

THE REPUBLIC OF UGANDA
MINISTRY OF HEALTH

**APENY AME OMARO
PENNYNO IKOM**

EBOLA

Dwe me Abongwen mwaka 2022



Yale *Institute for Global Health*

1. Ebola obedo ngo?

Ebola obedo two ame neko jo dang kuddi en akelo. Kuddi me ebola kobo kun beo i gudde kede olik kede onger kede dang ka igudde kede ngat ame tye kede kuddi me Ebola. Ebola kobo oyotoyot iyi akina jo, neko dano oyotoyot matek ento twero gengere. Ka omio kony me dakatal oko con, rwom me too twero dok cen.

2. Dano ame two-man omako, twero pokko akadi anyuttere pe onen i kome?

Dano ame two Ebola omako pe twero pokko two-man atwal ka anyuttere pwod pe onen ikome. Kare ame kuddi-man nyutte kede ooko ka odonyo ikom dano, cakere i nine 2 tunu kede naka i nine 21.

3. Ngo obedo anyuttogo me ebola kede jami mogo ame dano a tye i two-man winyo?


Dano ame tye kede two Ebola bedo kede anyut magi dok dang, en winyo jami magi iyi kome:

- Lyeto a dwong (ager dang rii)
- Arem me ping-yic
- Arem i wang nyor onyo ikom (Pollere wok i kor)
- Peko i mwonyonyo jami
- Abar-wic
- Lemcuny, ngokere (Twero bedo remoremo)
- Cado (Twero bedo remoremo)
- Bedo ame pii nonok i komi (Pig-wangi pe, leb otwoo, wang opoto i yie)
- Acorakom
- Ikare okene, remo twero cwer i dog, wang, wum, yit kede nguncet/dudi me nyongo. Pire tek twatwal me ngeyo ni, dano twero pokko two-man keken ka anyut acel onyo en a pol me two-man tye anen i kome.

Anyuttogo me Ebola kede jami mogo ame dano
a tye kede two-man winyo




Lyeto ame
ngolle atura



Abar-wic



Arem me ler



Gorokom atek meicel




Yii dwon ame ocore



Ngokere



Cet onyo lac obedo
remoremo



Cwer a remo i kagi
mogo a twolo i kom

4. Dano ame two Ebola omako twero bwot?

Ee. Gen me bwot twero bedo a dwong ka dano ame two onwongo kony me yotkom con.

5. Ka dano ame two Ebola omako obwot, en dok pwod twero pokko two-man?

Pe, ame pwod pe jo ame two Ebola omako odok pacu, OBINO pimmo remo gi i ot pimmo remo me mokko ka kuddi-man dong pe i remo gi. Akadi kono bed amanno, jo ame ocang ikom two-man myero kong PE orwatte gini i butu oloto pi dwete adek nikwanyngo ka gin otic kede kondom.

6. Ebola twero kobo kede lao?

Ee. Kuddi me Ebola twero kobo kun beo i lao kede piipii mogo okene ame bedo ikom wa calo cet, lac, remo nywal a coo piipii me kom mon me nywal, kwok, wum a mollo piipii kede remo. Ka piipii magi ogudde kede kan owanne i delkom dano, wang, onyo dog jo okene, gin otwero nwongngo kuddi me two Ebola.

7. Ebola twero kobo kede kwok?

Ee. Piipii moro keken ikom dano ame two-man omako, naka kwok ducu tye kede kuddi me Ebola.

8. Ebola twero kobo iyi amot me makko cing?

Ee. Amot me makko cing kede ngat ame two Ebola omako kobo two-man.

9. Atwero motto jo ningo ka amot me cing dong ogengo oko?

Amot me cing myero bed a pe pien keto jo i peko me nwongngo two ka Ebola opoto onyo ame pwod pe olal iyi akina jo. Itwero motto jo kun i leo cingi bot gi i wii yamo onyo kun iyengo wii kede woro bot gi. Piretek twatwal me lwokko cingi i pii a cil kede cabun kare-ikare.

10. Myero abed a bor a rom kwene kede jo ame ogeco ni tye kede two Ebola?

Rwom ame akina wu myero lagoro kede pire pe tek twatwal. Ebola kobo i gudde kede piipii me kom dano ame two-man omako. Akadi kono bed amanno, ka yin ingeo ngattoro ame otye agecco ni tye kede Ebola, timber i mii ngec me oyotoyot bot dakatalloro acok kedi eka ite lubbu tam ame dakatal amiyi. Gwokere pe imul onyo imak jami ame dano ame ogeco ni tye kede Ebola otio kede.

Kobo Ebola




Remo



Lao



Cet



Lac



Ngok



Kwok



Jami tic ame pe oneko kuddi i leb gi a dano ame tye kede two otio kede



Makko leyi a kwo onyo otoo ame bedo i tim



Bongngi olille ame o bedo me a dano ame tye kede two

EBOLA KEDE KOBO MERE IBEO IKOM LEYI

11. Pi ngo omio myero an pe acam ringo lee-tim?

Pe i cam ringo lee-tim ikare ame two Ebola opoto. Leyi me tim en obedo guti ame kuddi me Ebola cakere iye. Onger, ayom, olik kede dong leyi okene otoo ame nwongere iyi tim myero pe ogud onyo cam.

12. Ka otedo ringo lee-tim aber onyo otolo, nwongo dong opore me acama?

Pe, pien ikare me dwaro, nekko kede yubbu ringo lee tim, jo nwongo tye kede kero a dwong me nwongngo kuddi me Ebola. Manno en kit ame kobo a two-ni timere kede dang obedo tyenkop omio jo pe myero gud onyo cam ringo lee tim.

13. Pore me an ikwero cammo ringo lee tim ducu kono ka ringo onger kede olik?

Ka ikare ame Ebola opoto, gengere i ringo lee tim ducu pien rac twatwal dok dang twero miyi inwongo two Ebola.

14. Ebola twero bedo i kom gwen, dyegi onyo dok?

Pe. Pe tye ginnoro keken ame nyutu ni Ebola tye ikom leyi ame ogwoko pacu acalo gwen, dyegi kede dok. Ringo lee tim keken en a rac.

15. Myero awek dang cammo rec oko?

Pe, rec tye aber tutwal. Pe tye ginnoro keken ame nyutu ni Ebola tye ikom rec.

16. Atwero nwongngo Ebola igudde kede lac onyo cet olik?

Ee, Olik obedo otingkuddi me two Ebola. Itwero nwongngo Ebola ka igudde kede lac/cet olik ame tye kede two. Gengere i gudde kede olik kede piipii me kom gi meddo kede cet gi ame Ebola pwod pe opoto onyo ame dong opoto oko.

17. Ikare me cwir, olik bedo a pol dang gin ocamo aemme. Myero awek cammo aemme oko?

Pe, itwero medde kede cammo aemme ento kong ilwok a pwod pe icamo. Pe i cam aemme ame olik okao.

KONY ME DAKATAL IKOM EBOLA

19. Atwero timmo ngo ka atamo ni atye kede Ebola?

Myero iwot oko oyotoyot dakatal a cok kedi pi kwed kede kony me nwongngo cango.

20. Atwero willo yat me cangngo Ebola i kwene?

Pe tye yattoro atiratr pi Ebola. Wot oko con i dakatal a cok kedi pi nwongngo kony me cango ka itamo ni itye kede Ebola. Kero ni me bwot kede cang tye malo twatwal ka iyenyo kony me cango kede gwok aber con ibot otic me yotkom ame okwano tic gi. Yin ibino nwongngo gwok aber kede kony opore akwako jami mogo ame yin itye iwinynyo ikomi me meddo malo kero ni me bwot.

21. Awinyo ni otucu jo naka inekko i dakatal. Man kop ateni?

Man obedo ani me goba. Akadi bed ni jo okene too kede Ebola, jo okene dang cang. Kero me bwot dwong twatwal ka dano ocako nwongngo kony me cango con. Otwo Ebola ducu nwongo gwok me yotkom kede kony me cango aber odoco. Otic me yotkom tye atutte atek me laro kwo otwo gi kede me konynyo gi dok i pacci gi. Ika nwongngo kony me yotkom, otic me yotkom tio i kom otwo Ebola ibeo i:

- Dwokko lyeto ping
- Dwokko arem ping
- Miyo cem kede pit aber pi yotkom
- Meddo pii i kom dano
- Gengngo kobo a two
- Kede kit konynyoro keken me cango ame atwo myero nwong

YEE:

22. Tye ateteni ni ka orubu tangawici, kic, atungulu atar, atungulu kede vinegar twero cangngo Ebola?

Pe, pe tye ateni. Pe tye kit yore moro keken me pacu ame twero cangngo Ebola. Yin myero i wot i dakataloro acok kedi pi gwok opore kede kony me cango aber piri onyo ngattoro ame yin igeco ni tye kede two Ebola.

Kero ni me bwot tye malo atek ka itye i ot-yat ame otio iye ikom otwo Ebola kato ka itye pacu.

23. Wan owinyo ni matto kongo gengo kobo a kuddi me Ebola, tye ateni?

Pe, pe tye ateni. Kongo pe gengi me nwongngo two Ebola tekki igudde kede kuddi mere. Iyi ateni, matto kongo a dwong twatwal dok rac atek pi komi.

24. Tye ateni ni Ebola obedo ceno?

Pe, pe tye ateni. Ebola obedo two ame kuddi en a kelo kun yaa ibot leyi me tim ame tye kede kuddi-man. Twero dang kobo i bot dano ame dong two-man omako oko naka bot dano okene.

GOYO RIPOT

25. Atwero goyo namma cim ame lwak myero goo onyo cwallo kwen a cek me cim me goyo ripot pi jo ame ogeco ni tye kede Ebola?

Ee, EVD namma cime **0762640374(MTN)/0708062203(AIRTEL)**

26. Rwom anga ame ikweda me lobo Uganda gene kede i kop me Ebola?

Tye yore a gene odoco ame twero kweddo te mokko ka otye agecco ni dano moro tye kede kuddi me two Ebola kannoro keken i lobo Uganda. Lobo -man dang tye kede jami ducu ame mitte me pimmo kuddi me two Ebola i Uganda Virus Research Institute ame tye Entebbe.

27. Atwero gwokko dano ame ogecoo ni tye kede Ebola pacu?

Pe, nwongo itye iketto kwo a jo ni ame imaro, kwo ni kede me a jo ikan orumi kan a rac, pien two twero kobo ibot dano acel naka bot ngat okene. Jo ame two Ebola omako myero gwok dok omii gi kony me cango ika nwongngo kony me yotkom / dakatal.

AGAM A GAMENTE

28. Jami anga ame gamente oketo me kweddo kede diro yotkom jo ame abino i lobo Uganda?

Dul a gamente a loo yotkom tye atic ikom pokko apeny me ikweda bot owot ducu a donyo i Uganda. Otic me yotkom ame otye kagimogo a jo donynyo kede i Uganda obin opwonyo gi i kop ikom Ebola dang gin otwero kobbo jo ame ogeco ni otye gini kede two- man ka odonynyo onyo oyaa gini i Uganda.

29. Pulan anga ame gamente tye kede me cwallo ngec akwako Ebola bot jo atye i calo?

Gamente tye abedo i cokere me pwonyere kede otela me kanica, oloc me cukule kede iryongettogo ame tye ikin myere. Dong ngec obino pokko ikin calo ibeo i yore a papat. Jami kubere acalo bala pocta kede papare ame tye kede ngec olil dang otye ame oyubu kun nwongo dang otye apopoko i dicitrike ame dong two-man kero me nya mere tye malo twatwal iye. Telebijon, Redio kede kwena acegocego me cim dang otye atic kede me miyo ngec lal rommo myere.

30. Gamente tye a yubere me ceggo wang boda kede lobe ame orume?

Pe. Acocokki, pe tye pulannoro keken me ceggo wang boda onyo ketto cikkogo ame gengo wot i dicitrike ame two-man dong tye iye. Itung okene dang, otye akwayo jo me medde bedo kede wang a kwiri kun oketo itic yore ame oyubu me gengngo nyaa a two- man kede dang me miyo ripot oko i dakatal a cok kedi akwako ngattoro ame ogeco ni tye kede anyut me two Ebola kede jami mogo ame en winyo ikome.

**Pi ngec atut akwako gwokere ikom kuddi me two
Ebola, kubere kede: Okubkop me yotkom,
dipatimen me Pwonyere kede kubere, Dul a
gamente a loo yotkom**

Goo ripot ikom ngattoro keken ame ogeco ni tye kede two-man i
dakatal a cok kedi oyotoyot. ONYO cwal kwena acecek me cim me
nono bot Ureport i namma:8500 onyo goo cim me nono i
namma:0800100066/0800203033

**Jo ame okelo ngec-man obedo dipatimen okubkop me yotkom,
Pwonyere kede kubere, Dul a gamente a loo yotkom**